



# Møteprotokoll

**Utval:** Nasjonalparkstyret for Jotunheimen og Utladalen

**Møtestad:** Herangtunet, Øystre Slidre

**Dato:** 14.11.2022

**Tidspunkt:** 11:00 - 15:00

## Følgjande faste medlemmer møtte:

Namn	Funksjon	Reprenter
Leif Solemsli	Leder	VANG
Marit Sletten	Nestleder	LOM
Turi Elise Kaus	Medlem	IFK
Harald Sve Bjørndal	Medlem	VÅGÅ
Ivar Kvalen	Medlem	LUSTER

## Følgjande medlemmer hadde meldt forfall:

Namn	Funksjon	Reprenter
Trude Brosvik	Medlem	VLFK
Hilmar Høl	Medlem	ÅRDAL

## Følgjande varamedlemmer møtte:

Namn	Møtte for	Reprenter
Ole Johnny Stubhaug		VLFK

## Merknader:

Verken fast eller vararepresentant frå Årdal kunne møte  
Representant frå Vestland FK kunne ikkje møte fysisk, men deltok i møtet via Teams.

Frå Statens Naturoppsyn møtte Rigmor Solem

## Andre frammøtte:

Namn	
Eldrid Nedrelo	Nasjonalparkforvaltar
Kari Sveen	Nasjonalparkforvaltar

## Underskrift:

Vi stadfestar med underskriftene våre at det som er ført på dei sidene vi har signert i møteboka, er i samsvar med det som blei vedteke på møtet.

Leif Solemsli (sign.)

Harald Sve Bjørndal (sign.)

---

---



## Saksliste

Utvalgs- saksnr	Innhold	Lukket	Arkiv- saksnr
ST 39/2022	Godkjenning av innkalling og dagsorden		
ST 40/2022	Referatsaker		
RS	Kvalitetsnorm for Villrein - Vest-Jotunheimen - Oppstartsmøte delnorm 3		2022/10171
ST 41/2022	Delegerte vedtak		
38/2022	Delegert vedtak - Jotunheimen NP - dispensasjon - innsamling av mose - Moseklubben		2022/7269
39/2022	Delegert vedtak - Jotunheimen nasjonalpark - Dispensasjon - 2022 - Bruk av drone for kartlegging ved Fannaråkbreen - UiB institutt for geografi v/Lina Jackute		2022/8572
40/2022	Jotunheimen NP - Dispensasjon - Motorferdsel - 2022 -Skutertransport i samband med avsluting byggearbeid - naust ved Rundhaugtjønne i Luster - 215/1/10 - Sognefjellshytta		2019/18592
41/2022	Delegert vedtak - Utladalen landskapsvernområde - Dispensasjon 2022 - Helikoptertransport - Etablering av nytt utsiktspunkt ved Vettisfossen		2022/6761
42/2022	Delegert vedtak - Utladalen LVO - Dispensasjon 2022 - Drone - Dokumentasjon av konstruksjon Vettisfossen - Ekehaug Maskin AS		2022/9588
ST 42/2022	Nasjonalparkstyret for Jotunheimen og Utladalen - innmelding av behov for midlar til tiltak i verneområde, naturrestaurering og SNO-ressursar i verneområde - 2023		2022/10936
ST 43/2022	SNO-ressurs Jotunheimen og Utladalen - Sikre god overgang og kompetanseoverføring ved rekruttering av ny medarbeidar i 2023		2022/10145
ST 44/2022	Nasjonalparkstyret for Jotunheimen og Utladalen - Ressurs for informasjonsarbeid knytt til forvaltning av dei store verneområda		2022/9890
ST 45/2022	Eventuelt		

## ST 39/2022 Godkjenning av innkalling og dagsorden

### Saksprotokoll i Nasjonalparkstyret for Jotunheimen og Utladalen - 14.11.2022

#### Behandling

Ein møtedeltakar, Ole Johnny Stubhaug, deltok i møtet via Teams. Møtet blir med dette definert som eit fjernmøte - jf. kommunelova § 11-7.

## **Vedtak**

Innkalling og dagsorden godkjent.

Harald Sve Bjørndal vart vald til å skrive under protokollen saman med styreleiar.

## **ST 40/2022 Referatsaker**

### **Saksprotokoll i Nasjonalparkstyret for Jotunheimen og Utladalen - 14.11.2022**

#### **Behandling**

Rigmor Solem orienterte om arbeidet i arbeidsgruppe Kvalitetsnorm for villrein Vest-Jotunheimen.

#### **Vedtak**

Nasjonalparkstyret tek referatsaka til orientering.

## **ST 41/2022 Delegerte vedtak**

### **Saksprotokoll i Nasjonalparkstyret for Jotunheimen og Utladalen - 14.11.2022**

#### **Behandling**

Det vart orientert om sak DS-38/2022. Moseklubben er knytt til Norsk Botanisk forening, og består av fleire av dei fremste ekspertane på mose i Noreg. Dei skulle ha ei sosial og fagleg samling i Gjendebu, der dei ønskte å registrere mosefloraen, og ha høve til å ta med herbariebelegg til samling/forsking, innan rammene for det dei lokale bestandane toler.

#### **Vedtak**

Nasjonalparkstyret tek delegerte saker til orientering.

# ST 42/2022 Nasjonalparkstyret for Jotunheimen og Utladalen - innmelding av behov for midlar til tiltak i verneområde, naturrestaurering og SNO-ressursar i verneområde - 2023

## Innstilling frå forvaltar

Nasjonalparkstyret for Jotunheimen og Utladalen vil med utgangspunkt i den store ferdselen i Jotunheimen, samanlikna med andre nasjonalparker, be om at tildeling av tiltaksmidlar også må reflektere besøkstalet og graden av ferdselslitasje på stinettet, og ikkje berre dele ut mest mogleg likt til dei ulike verneområda.

Nasjonalparkstyret søker om tiltaksmidlar for 2023 via elektronisk søknad til følgjande tiltak:

### Informasjon/tilrettelegging i tråd med besøksstrategi og forvaltningsplan

- Utsjekk og supplering av igangsette tiltak ved av innfallsportane
  - mindre terrengarbeid ved utkikkspunkt Sognefjellet for betre kanalisering
  - stell og vedlikehald ved informasjonstavler, m.m.
- Temabrosjyrer dyre- og planteliv

### Vedlikehald av stinettet i Jotunheimen og Utladalen.

- Rekkverk og steinsetting (sherpatenester) på stien opp på Vettismorki frå Vetti
- Vedlikehald og førebyggjande tiltak på utsette plassar med registrert slitasje / erosjon
- Stivurdering og ryddetiltak ved Glittertinden

### Skjøtsel, vidareføring av etablert opplegg (budsjett SNO-Jotunheimen):

- Slått på Skåri, Avdalen og Vetti (heimre Utladalen)
- Styrt beite på Skåri, Avdalen og Vetti (heimre Utladalen)
- Styving/rising av alm og lind. Vedlikehald av styvingstre i heimre Utladalen
- Krattrydding/vedlikehald Øvre Utladalen
- Styrt beite ved Gjendebu (geit)
- Styrt beite ved Gjendebu (storfe)
- Kratt og skogrydding/vedlikehald Gjendebuområdet
- Slått av kve ved Gjendebu blir utført annakvart år – på dagsorden i 2023.

### Forvaltningsplan

- Auke kunnskapsgrunnlaget – jf. pågåande arbeid med revisjon av forvaltningsplan
- Kartlegging av bygningar i nasjonalparken og landskapsvernområdet, slutføring

### Andre tiltak

- Vedlikehald og drift av eksisterande tiltak

Endeleg prioritering av tiltak blir gjort i 2023, etter at Miljødirektoratet har vedteke tildeling av midlar. Nasjonalparkstyret vurderer god besøksforvaltning som ei særleg viktig oppgåve, da dette skal gje grunnlag for bruk av verneområda som ein ressurs for lokalsamfunnet. For å kunne nytte nasjonalparkane som merkevare og trekkplaster i reiselivet, er det nødvendig at bruken skjer på ein berekraftig måte som ikkje går ut over verneverdiane. Det må derfor satsast på informasjon, kanalisering av ferdsel utanom sårbare område, og stivedlikehald, restaurering og tilrettelegging i område definert som brukssoner med meir intensiv bruk.

Etablert skjøtsel av kulturlandskap blir vidareført under leiging av SNO/Jotunheimen.

#### Ønskte tenester frå SNO:

- Oppfølging av ferdselsteljarar (eco-counter) i Jotunheimen og Utladalen.
- Skilting: Standard droneskilt på aktuelle innfartsårer. Ettersyn, supplering.
- Administrasjon av tiltak på stignettet. Kartlegge behov for utbetringar.  
Særleg behov for bistand med revegetering og kavlelegging knytt til prosjektet med utsiktspunkt Vettisfossen og administrasjon av stiltak på stien opp frå Vetti.
- Oppfølging av prioriterte skjøtselstiltak i medhald av plan

--- slutt på innstilling ---

## **Saksprotokoll i Nasjonalparkstyret for Jotunheimen og Utladalen - 14.11.2022**

### **Behandling**

#### **Vedtak**

Som innstillinga.

## **ST 43/2022 SNO-ressurs Jotunheimen og Utladalen - Sikre god overgang og kompetanseoverføring ved rekruttering av ny medarbeidar i 2023**

### **Innstilling frå forvaltar**

Nasjonalparkstyret for Jotunheimen og Utladalen har fått informasjon om at SNO-ansvarleg gjennom mange år, Rigmor Solem, vil pensjonere seg ved utgangen av 2023. På bakgrunn av dette ber nasjonalparkstyret om at arbeidet med rekruttering av ny medarbeider for SNO Jotunheimen og Utladalen vert sett i gang snarast, slik at ein får god overlapping i tid mellom avtroppande SNO-ansvarleg og den nye medarbeidaren i SNO for Jotunheimen/Utladalen.

Jotunheimen og Utladalen har svært mange besøkande, og eit velfungerande oppsyn er viktig for å ivareta verdiane i verneområda. For å oppretthalde god kontinuitet i oppsynstenesta meiner nasjonalparkstyret at det må lagast eit opplegg for overføring av kunnskapen til ein ny medarbeidar, i god tid før før Solem sluttar. Oppsynet er i tillegg til SNO-ressursen basert på tenestekjøp frå fjellstyra i kommunane rundt, og det er etablert eit velfungerande system med tilgang på lokalkunnskap og oppsynskompetanse strategisk plassert der dei ulike oppgåvene skal løysast. Deltaking i felles oppsynsmøte ved sesongstart i mai/juni ville vera ein stor fordel for den nye SNO-medarbeidaren.

Vi har også stiar som krev vedlikehald, og kulturlandskap med omfattande skjøtsel som krev oppfølging ved gjennomføring av mange ulike tiltak. Særleg når det gjeld styving og rising av edellauvskogbestandar i Utladalen er det viktig å ta vare på kunnskapen som er bygd opp gjennom praktiske erfaringar, da denne driftsforma har gått meir eller mindre ut av bruk i dagens landbruk. Skjøtsel i form av styrt beiting og slått/krattrydding er basert på ulike tenestekjøpsavtaler, og ein ny medarbeidar vil ha god nytte av ei innføring i korleis dei mange oppdraga med kulturlandskapsskjøtsel og vedlikehald av stinettet er administrert av SNO i dag. For at ein ny medarbeidar i skal kunne få ei praktisk innføring i pågåande skjøtselsarbeid og i ymse andre oppgåver for SNO-Jotunheimen og Utladalen hadde det vore ein stor fordel om ny medarbeidar kunne vore på plass allereie i mai 2023.

--- slutt på innstilling ---

## **Saksprotokoll i Nasjonalparkstyret for Jotunheimen og Utladalen - 14.11.2022**

### **Behandling**

Styret framheva at ein ved oversending måtte vektlegge at det med kontinuitet blir ekstra viktig i eit verneområde der det er berre ein tilsett innan SNO.

Ordlyden i saka blir korrigert slik at ein omtalar den tilsette med fullt namn eller etternamn, og ikkje berre brukar fornamnet.

### **Vedtak**

Som innstillinga. Det blir sendt brev til Miljødirektoratet og KLD

## **ST 44/2022 Nasjonalparkstyret for Jotunheimen og Utladalen - Ressurs for informasjonsarbeid knytt til forvaltning av dei store verneområda**

### **Innstilling frå forvaltar**

Nasjonalparkstyret for Jotunheimen og Utladalen ser behov for at verneområdeforvaltninga blir supplert med ein fagleg ressurs til å drive informasjonsarbeid og kontakt mot reiselivet. Betre dialog og samhandling med reiselivet kan bidra til verdiskaping på ein måte som ikkje går ut over verneverdiane. Nasjonalparkstyret meiner det er nødvendig å supplere verneområdeforvaltninga med personell med fagleg bakgrunn for å fylle ein slik funksjon, og vil oppfordre Miljødirektoratet og Klima- og miljødepartementet til å arbeide for at dette tiltaket blir lagt inn i det komande statsbudsjettet kap. 14.20.21.

Målet om auka verdiskaping knytt til nasjonalparkane krev ressursar for å kunne ta imot fleire gjester på ein slik måte at den auka bruken ikkje går ut over verneverdiane, og det vil bli viktig å utvikle eigna verktøy for å oppfylle formulerte mål knytt til bruk og vern.

Ei informasjonsstilling kan vera eit samarbeidstiltak mellom 2-3 styre, der nasjonalparkstyra sjølve styrer informasjonsressursen. Det kan vera fleire alternativ for lokalisering, t.d. Rådhuset i Luster, som er forvaltningsknutepunkt for verneområda Jotunheimen, Breheimen og Jostedalsbreen. Ein slik ressurs ville vera av stor verdi og tilføre miljøet i Luster svært viktig kompetanse som elles manglar her, og han vil evt. også kunne koplast mot kompetansemiljøet ved Breheimsenteret i Jostedalen. Ein annan modell kan vera knytt til fagmiljøet ved Norsk fjellsenter, som er autorisert besøkssenter og forvaltningsknutepunkt for Jotunheimen og Reinheimen, jf. intensjonsavtale godkjent i sak 15/2019. Det ligg godt til rette for å ha ein felles informasjonsressurs her, da ein også vil kunne samarbeide med det etablerte fagmiljøet med informasjonsmedarbeidarane ved fjellsenteret. Ein eventuell informasjonsressurs her bør også omfatte Breheimen, da fjellsenteret har bygd opp si utstilling med likeverdig informasjon om alle tre nasjonalparkane.

Val av organisering bør ikkje vera viktigaste spørsmål i første omgang, da ein kan sjå for seg ulike organisatoriske løysingar. Ei pilotsatsing med utprøving av eit par ulike modellar for å betre dialogen mellom verneområdeforvaltning og reiseliv kunne gje verdfulle erfaringar med korleis ein best kan leggje til rette for næringsutvikling i skjeringspunktet mellom vern og bruk.

Styreleiar og forvaltarar får fullmakt til å arbeide vidare med saka inn mot overordna styresmakter. Styremedlemmer og varamedlemmer blir oppmoda til å bruke sine kontaktar for å få nødvendige ressursar til å utvikle eit meir fagleg og målretta informasjonsarbeid knytt til verneområdeforvaltninga.

--- slutt på innstilling ---

## **Saksprotokoll i Nasjonalparkstyret for Jotunheimen og Utladalen - 14.11.2022**

### **Behandling**

#### **Vedtak**

Som innstillinga.

## **ST 45/2022 Eventuelt**

## **Saksprotokoll i Nasjonalparkstyret for Jotunheimen og Utladalen - 14.11.2022**



## Behandling

Merethe Håvi, dagleg leiar i Visit Valdres, orienterte om arbeidet med Bærekraftig reisemål i Valdres. Dei har sett at haldningane har endra seg ein del sidan arbeidet starta opp. Alle dei seks kommunane i regionen er nå miljøsertifiserte. Visit Valdres ønskjer å leggje meir vekt på informasjon om verneverdiar og verneområde, og ser behov for meir utadretta informasjon om nasjonalparkane Jotunheimen og Langsua i knutepunktet på Beitostølen. Dei har søkt Miljødirektoratet om midlar til informasjonssenter, men nådde ikkje fram ved førre tildeling. Det er ønske om å arbeide vidare for å få til ei slik etablering, med tanke på den store trafikken via Valdres når det gjeld besøkande frå regionen rundt Oslo og frå dei mange hyttegjestene i Valdreskommunane.